

The book cover features a central illustration of a person standing on a dark, jagged, and rocky island. The person has their arms outstretched, looking towards a large, bright, circular celestial body in the sky. The background is a vast, hazy, orange-yellow sky with wispy clouds. The title 'ميين' is written in large, stylized white Arabic script with a black outline, positioned above the author's name 'أحمد قاسم', which is also in white with a black outline. At the bottom, the publisher's name 'ديوان العرب للنشر والتوزيع' is written in a smaller, plain white font.


رواية

ميين ضعنا لك

أحمد قاسم

ديوان العرب للنشر والتوزيع

مين هناك رواية



أحمد قاسم

الطبعة الأولى ٢٠٢٢

ديوان العرب للنشر والتوزيع

عنوان الكتاب: مين هناك

اسم المؤلف: أحمد قاسم

التصنيف الأدبي: رواية

رقم الإيداع: 25915 / 2022

الترقيم الدولي: 7 - 271 - 998 - 977 - 978



التدقيق اللغوي: د. محمد وجيه

تصميم الغلاف: محمد وجيه

التنسيق الداخلي: محمد وجيه

رقم الطبعة: الطبعة الأولى

المدير العام: د. فادية محمد هندومة

دار ديوان العرب للنشر والتوزيع - مصر - بورسعيد

تليفون: 00201211132879 - 00201030502390

بريد الدار: mohamedhamdy217217@gmail.com

مين هناك

رواية

أحمد قاسم

ديوان العرب للنشر والتوزيع

بِسْمِ اللَّهِ الرَّحْمَنِ الرَّحِيمِ

إهداء

كان دائماً متعلق بالسما والنجوم وكان دائماً ييسأل نفسه ازاي احنا لوحدنا الي عايشين في الكوكب ده، لوحدنا كده والعالم الكبير أوي ده فاضي؟ السؤال الي كل علماء الفلك سألوه ولسه لحد النهارده ييسألوه، ماجد كان ييسأله بينه وبين نفسه كل ما يتفرج علي فيلم وثائقي أو حتى فيلم خيال علمي على التلفزيون أو يقرأ مجلة علمية أو كتاب.. بس بإمكانياته المحدودة وظروفه ماكانش عارف يوصل لحاجة غير أنه في يوم يقابل حد من مكان تاني غير كوكب الأرض.. من باب التغيير يعني.

ماجد درس طب قسم مخ وأعصاب ومع دراسته مابطلش قراءة في كتب ومراجع خارجية، لحد ما في يوم وقع تحت إيدته كتاب غيرله حياته بالكامل.. الكتاب كان بإسم "التواصل مع المجهول" حلو الإسم وشده المقدمة الي كانت بتقول: كل ما سيتم ذكره في هذا الكتاب هو واقع تجربة شخصية، قد تنجح معك أو تفشل.. عليك بالتجربة لتعرف. أخذ الكتاب وجري به علي البيت لدرجة أنه أخذ الطريق من الشغل للبيت الي طبعي ياخذ منه ساعتين في نص ساعة بس..

فتح الباب بسرعة وأمه كانت في انتظاره بابتسامة غريبة وقالته :

- أجهزلك الغدا يا ماجد؟

- مش جعان يا أمي.. مش جعان

- مالك يا ابني حاجة حصلت في الشغل؟

- لأ يا أمي ماحصلش حاجة بس مش عاوز أتكلم في حاجة حالاً لو سمحتي ومش عاوز حد يزعجني الكام ساعة الجايين.
سكتت للحظة في ذهول من الحالة الي عليها ماجد لكن الي طمنها أنه وهو بيتكلم كان شكله مبسوط.

....

الأستاذة هاجر هي دكتورة في التاريخ والحضارات القديمة وحكاياتها الي كانت بتحكيها لابنها الوحيد طول حياته عن الحضارات القديمة والتقدم الرهيب الي صنعوا به تاريخهم الي مالوش تفسير حتي اليوم وحتى إن رغم التطور العلمي الي بنعيشه فيه حاجات عاجزين حتي عن تقليدها كانت عامل مساعد له أنه يفكر أكثر في إننا أكيد مش لوحدنا، فيه قطعة من اللغز مفقودة..

هاجر هي الي شالت حمل تربية ماجد من بعد ما والده مات في حادث مُبهم وهو في الإعدادي.

حاولت علي أد ما تقدر توزن بين شغلها وبين أبحاثها وتربية ابنها وإنه يحقق نجاح لنفسه في الحياة.

فخورة بأنها قدرت تعمل ده بعد ما شافت ابنها من أمهر الأطباء في مجاله بشهادة الجميع.

ومن بعدها بدأت تتفرغ للبحث الي قضت أكثر من 30 سنة من حياتها تدرس فيه وتسافر العالم كله تجمع معلومات عنه. ليه العالم من آلاف السنين كانوا مهتمين أوي بالتحنيط والحياة الأخرى وكان عندهم قناعة تامة بالبعث ما بعد الموت بالطريقة دي؟

لحد ما في سنة 2016 وقع تحت إيديها مخطوطة تم إكتشافها في بيرو بتوصف بشكل دقيق مرحلة ما بعد الموت!

المخطوطة يرجع تاريخها لأكثر من 13 ألف سنة.. كانت جزئين ولكن للأسف تم الوصول لجزء واحد بس منهم وفيه من المعلومات الي خلاها تسافر مخصوص لمكان الإستكشاف في رحلة دامت لأكثر من شهرين..

....

"في الكتاب ده أنا هحكي حكايتي الي كثير هيقرأوها ويقولوا (كبر وخرّف) أنا مش كاتب حكايتي دي للناس دي.. أنا كاتبها لكل واحد بي فكر وعارف أن لو الكون عبارة عن الكام مليار الي عايشين علي كوكوبنا الصغير ده كان إيه لزمة الكون المهول بمجراته ونجومه؟ الكلام ده ليكم أنتم.. وعارف أنكم هتصدقوني."

إفتتاحية الكتاب الي قرأها ماجد وهو واقف ولسه ماقلش حتي هدومه.
"كان يوم جمعة في نص سبتمبر وخرجت أصطاد علي البحر ومن عادتي لما
بخرج أصطاد باخد معايا الراديو وأشغل إذاعة الأغاني.. في السهرة يبجيوا
حليم وعبد الوهاب.. دقة قديمة بقي.. وبكمل صيد مع الأغاني لحد الفجر
وأرجع علي البيت.. في اليوم ده زي أي يوم قاعد ومتسلطن مع "قدك المياس"
والجو كان فيه نسمة هوا من بشاير خريف الإسكندرية وفجأه الراديو قلب
لوش وصوت زن غريب.. قولت يمكن من الهوا أو البطاريات بدأت تفضي
لكن البطاريات مشحونة والإذاعات الثانية كلها شغاله عادي!!

رجعت تاني بالتردد لإذاعة الأغاني، لسه نفس الوش موجود..
بس كان فيه حاجة غريبة في الوش ده، كان فيه صوت أول مرة أسمع زيه
كان صوت حد بيعيط ويصرخ، بس الصوت كان بعيد ومش واضح حتي
بيتكلم عربي ولا لغة ثانية، مش فاهم حاجة من الي سامعه والزن في
السماعة مستفزني.

ما بين التشتيث الي أخذني وخرجني من الجو الجميل الي عايشه وبين
السنارة الي في البحر قررت أسحب سنارتي وألهاها وأركز مع الي سامعه ده
الصوت مش حاجة ثابتة، ده بيتغير يعني أنا مش بيتهيألي، ليه فيه عياط
وصريخ؟!

سيبت البحر ومتعته ومسكت الراديو في إيدي وحاولت أصب كل تركيزي
معاه.

وبدأت أفكر.. هل ده مسلسل إذاعي مثلاً؟
إذاعتين دخلوا علي بعض فحصل التشويش ده؟!
طب ليه مافيش تغيير لأكثر من ربع ساعة صراخ وعاياط!!
وفجأة وفي هدوء شط الإسكندرية وتركيزي مع الصوت سمعت كلمة واحدة
فهمتھا: اهربوا!!!
ومن بعدها رجع تاني الكلام كله مش مفهوم..
اهربوا؟
أنا صاحي ولا مجلم
فيه إيه؟
قفلت كل حاجة وحطيت حاجتي في العربية ومسكت الراديو في إيدي
ورجعت علي البيت.
طول الطريق نفس الكلام ونفس التشويش وللحظة واحدة الإذاعة
ماتظبطتش..
مابدهاش بقي.. خبطت علي جاري زي المجنون وخذت منه الراديو بتاعه
شغلته ووظبطت التردد الإذاعة شغاله عادي جداً عليه مافيش أي تشويش
حطيت الجهازين أدامي يمكن أنا ظابط حاجة غلط في الراديو عندي.. كل
حاجة متطابقة!!
الفجر أذن وأنا متنح للراديو بمحاول أفهم أي حاجة.. مافيش جديد
من كتر التركيز والصدمة نمت.

مادريتش بنفسي غير وأنا صاحي الساعة 10 الصبح
الراديو فصل شحن
قومت من على الأرض ببُص حوليا الدنيا ساكتة وكأن الناس اختفت
بعربياتهم بدوشتهم.. غريبة.. يمكن كنت مجلم فعلاً
غسلت وشي وروحت للراديو حطيته يشحن علي ما جهزت الفطار علشان
أسمعي أغنيتين هاديين وأنا بفطر
حطيت الراديو جنبي وخايف أفتحه
خايف أطلع ما كنتش مجلم
وخايف حتى إني أطلع كنت مجلم
شغلت الراديو وظبطته علي تردد إذاعة الأغاني..
ما فيش صوت طالع
لا تشويش ولا غيره
نفس الصمت الي موجود ماتكسرش بزنه واحدة حتى
حركت المؤشر يمكن الراديو الأثري ده خلاص كده جاب آخره
كل حاجة شغاله تمام معايا والراجل لسه في عمره باقي
جربت الإذاعة علي راديو جاري
شغاله بردو عادي جدا..
كده أنا ما كنتش مجلم.. كده فيه حاجة بتحصل أنا مش فاهمها

سيبت الراديو شغال علي نفس وضعه الصامت ده ووصلته بالشاحن يشحن
ونزلت شغلي.

طول الطريق دماغي بتودي وبتجيب، طب هرجع البيت ألاقي كل حاجة
رجعت لطبيعتها؟!!

ولا هرجع أسمع الصراخ والعياط ولا فيه إيه!
قضيت اليوم في الشغل ماعرفش قضيته ازاي
ورجعت البيت

بفتح الباب لاقيت صوت غريب شغال
المره دي الصوت واضح بدون أي تشويش
نفس الصراخ

بس المره دي بصوت واضح مش صوت بشر
صوت غريب..

الصوت بيكرر كلمه واحده بس: اهربوا !! بس اكتشفت أنه يقولها بلغات
العالم..

فهمت منهم العربي والإنجليزي والأسباني علي أد دراستي
والباقي أكيد لغات تانية أنا مش فاهمها..

طلعت قاموس الإيطالي والألماني ولاقيت توقعي صح..
ليه اهربوا؟

وليه التردد ده؟

وفيه إيه؟

فيه إيه؟

أخذت الراديو ونزلت بيه لمحل الإلكترونيات الي على ناصية الشارع
صاحب المحل صاحبي وعشرة سنين
وهو الي أهداني الراديو ده بعد حرب أكتوبر وكان قال لي أنه عزيز عليه
لأنه من ريحة جده

قولت أنزل أشوف إيه حكاية ريحة جده ده الي هيطيرلي عقلي
وصلت المحل وبخبط علي الباب لاقيته قاعد علي الكرسي مش بيتحرك
فتحت ودخلت

مالك يا فتحي؟

مبلم ليه كده يا حاج؟

حاجه حصلت لعيالك أو أحفادك؟

.. مافيش رد

هزيتيه جامد لدرجة أنني خوفت يموت ف إيدي..

فجأة اتنظر من مكانه وقال بنبرة صوت رعبتي: إهربوا!!

من الخضة وقعت على الأرض والدنيا لفت بيا وحسيت إن خلاص دي
نهايتي..

فتحي قام من علي الكرسي وجري عليا يقومني:

- قوم يا محسن مالك حصل لك إيه..

أنت هنا من إمتي؟
هو أنا كنت نايم ولا إيه؟
جاء إزارة مياه ودلقها علي رأسي وقتها بدأت أفوق شوية وأستوعب الدنيا
من حوليا
وأول حاجة نطقت بيها:
- فتحي أنت كويس؟
- أيوه يا محسن أنا كويس معلش يا صديقي أنا شكلي كنت نايم وماخدتش
بالي إنك هنا
- لأ لأ أنت كويس؟ أنا دخلت عليك لاقت عينك مفنجله ومش بترش
وكلمتك كتير مارديتش عليا ولما حركتك جامد قولت اهربوا بصوت غير
صوتك وبعدها أنا مادريتش بالدنيا
- أنت بتقول إيه يا محسن؟ أنا آخر حاجة فاكرها إني كنت قاعد بتفرج على
ماتش الزمالك.. الولد رضا عبد العال ده مش عارف هيجيلنا ثاني زيه مين
لما يعتزل يا محسن.
- سيبك من الزمالك دلوقتي وتعالى نقعد علي القهوة فيه حاجة بتحصل يا
فتحي غلط وأنا خايف ومش فاهم حاجة
- أنت وشك مخطوف كده ليه يا محسن أنت تعبان يا صديقي نروح
نكشف؟

- يا سيدي والله أنا كويس وزى البمب بس ريحني واقفل المحل وتعالى
نقعد علي القهوة..
- أدينا طلعلنا وقعدنا علي القهوة يا سيدي وشربت العناب بتاعك، ها بقى
أحكيلي إيه الي مخوفك كده؟
- هحكيلك.....
- قوم يا محسن وهات الراديو بتاعك معاك الكلام هنا ع القهوة مش هينفع
- هنروح فين
- هنرجع المحل، مافيش شغل النهارده
- يلا بينا...
- أنت أول مرة يحصل معاك الموقف ده كان إمتي؟
- إمبارح زي ما حكيتلك كانت أول مرة الموضوع ده يحصل
- ماصادفش معاك في مرة أن الراديو اشتغل وأنت قافله؟
- مافتكرش بس ليه السؤال ده؟
- أبويا الله يرحمه كان بيحكيلي حكاية وكنت مفكره بيخوفني بيها أن
الراديو ده عليه لعنة وأن جدي حاول يبيعه أكثر من مرة بسبب اللعنة دي
وماعرفش وكان بيرجع له تاني..
- ولما جدي إداه لأبويا قال له الراديو ده مايتباعش يا راضي وإلا هتندم باقي
عمرك..

حتي أبويا وهو بيديني الراديو قال لي لو جه اليوم يا فتحي والراديو ده
 مابقاش له قيمه اوعى ترميه أو تهمله..

لو تفتكر يوم ما اديتهولك قولتلك الراديو ده غلاوته من غلاوتك عندي
 وأنت قعدت تتريق عليا..

المهم أن أبويا في مرة واحنا نايمين وكان دايماً بيحط الراديو جنبه حتى لو
 مش مشغله لاقитеه بيزعق في أي جامد في نص الليل

صحيت من نومي علي صوته

لاقитеه بيقول لأي مش قولتلك ماتلمسيش الراديو ده طول ما أنا عايش
 وهي تحلفله والله ما لمستة ولا قربتله يا راضي أنا كنت نايمه جنبك

رد عليها وقال لها يعني هو اشتغل لوحده؟!

وهما بيتكلموا سمعت الصوت الي أنت بتقول عليه ده..

تشويش وزن وصوت غريب بيصرخ في الراديو

بس وقتها الكلام كان عربي كله الي سمعته

"إنهم قادمون.. بلا رحمة.. اهربوا"

وبعدها الكلام اتكرر بلغات تانية

أبويا عمري ما شوفته عصبي كده

وهدوء غريب من أي ماتعصبتش عليه وكانت بتحاول تمتص غضبه ده

لأنه عمره كله مازعقش ليها أو ليا.. أنت عارف يا محسن عمك راضي كان

هادي جداً ومايحبش الصوت العالي.

- يا نهار مش فايت.. من أيام عم راضي ؟
- مش بقولك الراديو ده ملعون..
- ملعون إيه يا فتحي ده تردد وراديو يعني جدك كان بيقول ملعون لكن احنا العلم اتطور..
- ده تواصل بموجات الراديو يا فتحي.. بس مين الي طول السنين دي كلها بيعت نفس الرسالة
- ومهتم أوي بوصولها لدرجة أنه يكررها بكل اللغات؟
- أنت مستوعب يا فتحي الرسالة دي لو يجد أننا بنستقبل تردد من بره الأرض؟
- بره الأرض إيه يا محسن صلي علي النبي كده هو ممكن يكون فيه حاجة كبيرة بتحصل آه بس مش لدرجة بره الأرض يعني..
- والصوت الي ماسمعناش زيه طول عمرنا؟
- والكلام الي بيتكرر من أيام جدك؟
- مين هيعيش عمريين ولا ثلاثة يكرر نفس الجملة بكل اللغات بالصوت ده والصرخة الي تقطع القلب دي؟
- ماتوغوشينيش بقي أنا مش حمل تفكير في حرب الكواكب يا محسن أنا راجل صاحب مرض ورجلي والقبر.
- طب هنعمل إيه؟
- نكسر الراديو وخلاص؟

هو فاضل في العمر أد إليه علشان نفكر في الي هيحصل في المستقبل؟

- خايف نكسره تحل علينا اللعنة يا محسن

- ماحنا لو فضلنا نفكر فيه وهو معانا كده هنتلحس يا فتحي أنا مش هبيت الراديو ده ف بيتي يوم واحد تاني.

- طيب أنا عندي فكرة.. احنا ناخد الراديو الملعون ده ونرميه في البحر.. ويقتي اسمنا ما كسر نهوش واتخلصنا منه؟

- أي فكرة أنا موافق عليها إلا أنه يفضل معانا..

وبعد ما اتفقنا علي ده.. أخذنا الراديو بالفعل ورميناه في البحر

روحنا واحنا مش عارفين الي عملناه ده صح ولا غلط

روحنا واحنا بنفكر في الراديو والصوت الي كان خارج منه..

روحنا ماحدش فينا كلم الثاني طول طريق الرجوع..

فتحي طلع شقته.. وأنا سييته وروحت شقتي

وأول ما فتحت الباب رجعت من تاني أسمع دوشة الشارع والناس وكلاكس العرييات

وكأني كنت في صندوق معزول وخرجت منه..

مش عارف رجعت للطبيعي ولا مش هرجع أعيش حياتي طبيعي تاني

رجعت وكلي خوف من لعنة الراديو الي مستنيها تصيبني في أي لحظة..

رميت نفسي علي السرير من التعب.. ونمت.

صحيت الصبح
حاسس بنشاط غير طبيعي
وكأني نمت أيام
في الحقيقة أنا فعلاً كنت نائم أيام
بصيت في النتيجة لاقيتني نمت أربع أيام كاملين..
ماعرفش ازاي.. قومت أخذت دش بسرعة ولبست ومن غير فطار ولا
يخزنون نزلت أجري أشوف فتحي
روح المحل عنده لاقيته مقفول ف طلعت له الشقة..
خبطت كتير وناديت كتير ومافيش رد
نزلت جيت اتنين شباب من علي القهوة يكسروا الباب
ومجرد ما دخلت شमित ريحة لحد اللحظة الي بكتب فيها الكتاب ده
ماراحتش من مناخيري
لاقيت فتحي هيك عظمي متحلل مافيهوش ذرة لحم أو جلد..
لاقيت صاحبي الي كان معايا من كام يوم جثة متحللة بقاها سنين
والغريب أن الطب الشرعي قال في تقريره أن الجثة مش جثة فتحي دي
جثة جده
والأغرب إن التقرير قال إن عمر الجثة دي يرجع لأكثر من ألفين سنة..
صاحبي فين؟

لحد اللحظة ما عرفش
ولحد اللحظة مش عارف إيه الي حصل ولا إيه الي هيجصل..
بس الي متأكد منه أن فيه حاجة بتحصل أنا مش قادر أستوعبها
ومش عارف الأيام الجايه هيجصل ليا فيها إيه
أنا كتبت الكلام ده علشان لما أموت يمكن حد ياخذ باله أو يقدر يحل
الغزالي خفت أكمل فيه
لأني جبان خفت أسأل (مين هناك) "

....

الكتاب لشخص ما كتبش غير الكتاب ده بس
الأستاذ محسن عبد المقصود صاحب الخمسون عام
من الإسكندرية - سيدي بشر
معايا الإسم والعنوان والكتاب تم نشره من 6 سنين يعني مش زمن
وأنا لابس زي مانا ليه مانزلش أقابل الراحل ده وأسمع قصته العجيبة دي
بنفسي؟
حوار دار في رأس ماجد.. قصة خارقة للطبيعة صاحبها بيأكد أنها حصلت
ليه بالفعل..

- ماخداش وقت في التفكير
- أمي أنا نازل الإسكندرية
- خير يا ضنايا فيه إيه؟
- مافيش يا أمي لما أرجع هبقى أحكيلك كل حاجة
- أنت ماكلتش حاجة من الصبح يا ابني كل لقمة وروح مكان ما تحب
- مافيش وقت يا أمي الموضوع مستعجل ولازم أنزل حالاً
- طيب أصبر ألبس وأنزل معاك لو الموضوع ضروري كده
- لأ يا ست الكل مش مستاهل والله دي حاجة ممكن تكون بلا قيمة
استريحي انتي ولما أرجع نبقى نتكلم.

...

- الطريق من طنطا للإسكندرية فات كأنه كام متر رغم مسافة الـ 150 كيلو
تقريباً ما حشش ماجد بالطريق من كتر تفكيره في قصة عم محسن وإيه
مممكن يحصل لو لقاه فعلاً وطلع كلامه صح!
بعد ما وصل سيدي بشر نزل من عربيته وبدأ يلف في كل شارع وكل مكان
لحد ما وصل عنوان عم محسن.. طلع لشقته وخط عليه.....
- مين؟
- ماجد
- ماجد مين؟
- أنا جايلك من طنطا يا عم محسن بخصوص قصتك الي نشرتها.

- روح يا ماجد مش هتلاقي حاجة تفيدك هنا.
- معلش يا عم محسن أنا عارف ومقدر الي حضرتك مريت به وده الي جاني ليك من طنطا.. أنا مصدق كل كلمة كتبتها.
- هفتح لك الباب وهتدخل.. لو كلامك ماعجبنيش هتخرج من غير ما توجع قلبي.
- أنا تعبت من كتر الكلام مع الصحفيين والي عاوزين يعملوا برامج ناجحة علي حساب الي مريت به.
- ماتقلقش يا عم محسن أنا موافق علي كل شروطك وأنا دكتور مش صحفي ولا شغال في التلفزيون.
- اتفضل يا دكتور..
- تشرب إيه؟
- ولا حاجة أنا مش جاي أشرب أنا جاي أسمع.
- ماينفعش يابني أنت جاي من بلد تانية وطريق وسفر، خد نفسك الأول كده وهعملك ليمون وهحكيك الي عاوز تعرفه.
- شكراً لحضرتك ماتتعفش نفسك.
- خد الكتاب ده إقرأ فيه شويه علي ما أعملك الليمون.. ولا تشرب شاي ولا قهوة؟
- لو كان لابد يبقى قهوة سادة بدون تكليف.
- أحلى كباية قهوة تركي لأحلي دكتور في مصر.....

- ماقولتليش يا دكتور، عرفت عنواني منين؟
- والله يا عم محسن أنا قرأت قصتك من كام ساعة وماقدرتش أصبر فجبت عربيتي وجيت علي سيدي بشر وفضلت أسأل علي عنوانك في كل الشوارع لحد ما وصلت ليك.
- ياه ده واضح أن الموضوع مهم أوي!
- أكثر مما تتصور يا عم محسن، أنا مش جاي علشان قصة عجبتني.. أنا جاي علشان حلم حياتي والسؤال الي عشت عمري كله أدرسه وأفكر فيه لقيت له دليل في قصتك.
- وإيه الحلم الي يرمطك بالشكل ده يا دكتور؟
- إننا مش عايشين لوحدها في الكون يا عم محسن.. إن فيه غيرنا يا بيراقبنا يا عايش في مكان تاني مش عارفين نوصل لبعض.
- مابلاش تفكر في الموضوع ده كثير يا ماجد يا ابني.. خدها نصيحة من واحد خاف والتجرب وواجه ومات وصحي!
- مات وصحي؟
- ماتاخدش ف بالك.. القهوة جاهزة هجيبيها وأجيلك أهو..
- السؤال الأهم عندي يا عم محسن هو أن قصتك اتنشرت ازاى وخلال الفترة دي هل جد جديد فيها ولا انتهت مع آخر كلمات كتبتها في الكتاب؟

- ولا يهملك.. هجاوبك علي كل أسألتك بس الأول علي ما تشرب قهوتك
هيكون عمك فتحي وصل علشان تسمع مننا احنا الاتنين لتقول كبر
وخرف زي ما جمهور الأهلي بيقول.

بس توانی.. عم فتحی عایش؟

- أصبر علي رزقك يا دكتور الكلام كثير وخليك فاكر إنك وقت ما دماغك تتعب من الي هنقله تقدر تمشي في أي وقت تحب.. ياما غيرك جم ومن أول كلمتين ضحكوا علينا ومشيو وغيرهم الي جه في بيتنا يقول لنا إننا مختلين عقلياً.. ماتقلقش مش هنزل منك لو مشيت.

عارف يا عم محسن لما كنت بسمع وبشوف حكايات الأمريكان عن Roswell والفضائيون سنة 47 كنت بقول هو ليه مافيش أي حاجة عندنا هنا الواحد يقدر يتكلم ويتناقش فيها زيهم.. هو مغضوب علينا حتى من اللى مانعرفهموش ههه.

- بس الي حصل معايا أنا وعمك فتحي مش فضائيين شوفناهم في السما ولا شاوروا لينا من مركبة فضائية.. احنا اتأذينا يا دكتور أذى كبير ومش عارفين له علاج ولا حتي سبب!

- هو فين عم فتحي؟

- عمك فتحي يا سيدي في محل الإلكترونيات بتاعه بيحاول يشوف حل في الراديو الملعون ده.

- الراديو الملعون!!!! الي اترمي في البحر؟

- أيوه هو بعينه.. الي البحر ماعجبهوش هديتنا ورجع هولنا لحد عندنا تاني.

- لا!!! الموضوع كده كبير أوي وأنا بدأت أتوه منك.. يعني إيه رجعهولكم تاني؟

- بعد شهر لما لاقينا الجثة وخادوها ماعرفش لفين، ناس جت لي من حبايبنا قالولي ماتكلمش عن الجثة دي ولا عن أي حاجة تخصها.. قالولي باللفظ كده "هبل زي مانت عاوز ف قصتك بس القصة تنتهي بآنك رجعت بيتك وماتدورش علي صاحبك لمصلحتك"

طبعاً أنا خدت كلامهم أوامر وأنا مش فاهم حاجة لحد ما بعد شهر وأنا راجع من شغلي لاقيت فتحي قاعد في الصالة ماسك الراديو وعمال يقولوا هربوا هربوا هربوا..

قعدت أهرز فيه واخبطه علي دماغه بكف إيدي لحد ما فاق وطبعاً كالعادة
مايعرفش الشهر ده كان فين ولا إيه جابه البيت عندي وآخر حاجة كان
فاكرها هي إننا رجعنا من اليوم إياه وطلع شقته ونام.

- يعني بقاله ست سنين مش فاكر حاجة؟

- ست سنين إيه يا دكتور احنا في الحكاية دي بقالنا 12 سنة دلوقتي.

- بس الكتاب تم نشره في 2014

- تصدق وتؤمن بإيه؟

- لا إله إلا الله

- أنا ماعرفش أي حاجة عن الكتاب ده اتنشر ازاي أنا الورق كنت كاتبه
مذكراتي وماكنش عندي أي نية للنشر وماعرفش دار النشر الي طبعته!

- ماجربتش تكلمهم تسألهم؟

- طلع الكتاب من شنطتك مش هتلاقي مكتوب فيه دار نشر ولا أي
معلومات عن مكان طباعته!

- عندك حق! غريبة دي!

- ثواني هقوم أجيبلك المذكرات علشان تتأكد

- مصدقك والله خليك بس ماتتعبش نفسك.. بس ازاي من 12 سنة

وفجأه تم نشرها في 2014؟

- علشان من 2008 لـ 2014 الراديو لما رجع ماكنش بيشتغل وحاولنا كل
المحاولات فيه كل حاجة سليمة وكل الإذاعات كانت بتشتغل إلا التردد

الملعون ده كان أول ما المؤشر يوصل ليه الراديو كان بي فصل ولازم نشغله من جديد.. في 15 يناير 2014 وأنا قاعد مع فتحي في المحل بتاعه فجأة الراديو اشتغل لوحده علي التردد الملعون ونفس الرسائل رجعت من تاني.. اهربوا.. اهربوا.. اهربوا

بعدها بأسبوع لاقيت حد بيكلمني ويقول لي عاوزينك معانا في برنامج تليفزيوني نناقش قصتك الي نشرتها! وقتها عرفت بموضوع نشر القصة المجهول ده.

- يعني مش صدفة نشر القصة مع رجوع التردد لبث الرسالة دي تقصد؟
- مالهش تفسير تاني يا دكتور.. فيه حد بيحاول يوصل حاجة وعاوزها تنتشر ماتخفيش.

.. آدي عمك فتحي وصل يا سيدي يكمل لك الحكاية لأنه هو البطل فيها..
تعال يا بطل هههههه

- مين ده يا محسن؟ مش قولنا مش هنتهبب نحكي في حاجة لحد تاني؟ مش قولنا كفايه تهزئ لنفسنا يا محسن؟!

اتفضل اطلع بره لو سمحت ماعندناش كلام نقوله.

- اهدا يا فتحي واعتذر للدكتور ده جايلك من طنطا ولا عاوز السيد البدوي يغضب عليك هو كمان هههههههه

- دكتور؟ مش جربنا الدكاترة مرة واتنين وعشرة وما فيش نتيجة؟

- تمام هسيبيكم بقى مع بعض وأقوم أعمل لنفسي كباية عناب أعملك حاجة يا فتحي؟ وأنت يا دكتور؟
- إعملي معاك عناب بردو بس سكر زيادة.
- وأنا كمان كباية بن زي الي فاتت دي مادوقتش في جمالها الحقيقة يا عم محسن تسلم إيدك.
- من عنيا يا دكتور.
- منورنا يا دكتور..
- ماجد.. إسمي ماجد يا عم فتحي.
- منورنا يا دكتور ماجد ومنور الإسكندرية كلها.. ماتزعلش من كلامي يا ابني احنا خلاص رجلنا والقبر ومش حمل زعيق وإهانة من الناس.
- لا والله يا عم فتحي أنا مبسوط جداً إني قاعد معاكم والله وحاسس أد إيه أنتم طيبين جداً وكأنكم أهلي.
- ده يشرفنا يا دكتور.. أأمرني محتاج مننا إيه؟
- أنا قرأت القصة الي اتنشرت علي لسان عم محسن وأنا طول عمري بحلم في يوم أوصل وأعاصر حاجة فيها تواصل من مخلوقات غير الي عايشين على الأرض ومش هلاقي فرصة أحسن من دي.. علشان كده أنا مصدق كل كلمة حتي - سامحني يعني- لو كذب.. أنا عاوز أصدق الحكاية دي لنفسي قبلكم.

- تمام يا ماجد واحنا هنحكلك الي حصل معانا ودي هتكون آخر مرة نتكلم فيها

بس وأنا بتكلم لو لاقيتني سكت ماتتكلمش.. نهائي.

- حاضر!!!

- بعد ما رميت الراديو في البحر أنا والحاج محسن ورجعت البيت وبستعد للنوم سمعت خبط علي الشباك.. قولت عادي حد معدي في الشارع ويستظرف..

مش ناقص ضغط عصبي.. بس الخبط ده اتكرر أكثر من مرة الي نرفزني وخلافي أستم: امشي يا حيوان وبطل استظراف.. لو حد محترم هيجيلي من الباب.

فجأه لاقيت دخان داخل من الشباك بس من غير ريحة وكمان متلون مش دخان طبيعي..

خفت وقومت فتحت الشباك لاقيت نور خبط في عيني كأن الشمس نزلت أدام الشباك..

وصوت موتور عالي جداً خلاني استغرب ازاى الشارع ماصحيش منه ولا من النور ده!

يمكن ده حلم طيب؟

سحبت بندقية الصيد بتاعتي وطلعت من الباب أشوف فيه إيه برة، لاقيت نفسي بتسحب للنور ده من غير ما اتحرك من مكاني.. مش عارف أصرخ..

مش عارف أفتح عيني.. مش عارف حتي أحرك إيدي الي البندقية وقعت منها لا إرادي..

سلمت للواقع وقولت الي يحصل يحصل بقي..
أي حاجة حصلت من بعد اللحظة دي للحظة ما محسن فوقني هنا في الشقة مش فاكر منها أي حاجة..

لما محسن فوقني ولقيت الراديو في إيدي وكمان لما محسن حكالي علي الجثة الي كانت في شقتي، كل ده دخلي في نوبة عياط لدرجة إني أغمى عليا ومحسن كلم دكتور جاره في العمارة يكشف عليا..

- فتحي فيه إيه يا دكتور غانم

- دي أعراض **Panic Attack** يا عم محسن

هو الحاج فتحي اتعرض لصدمة قوية قبل ما يدخل في الحالة دي؟

- أيوه يا دكتور شوية زعل مع أولاده..

- محتاجين نعمل فحوصات علي القلب يا عم محسن والمخ.. أنا ملاحظ

حاجة غريبة مش هتبان غير بالأشعة والفحوصات الي كاتبها لك في الورقة دي وتعرضه علي دكتور قلب في أقرب وقت.

- ليه؟ هو فيه حاجة كبيرة؟

- كله هيتحدد بعد الحاجات الي قولتلك عليها.. أنا دكتور أسنان ومش

هفتي في حاجة..

الحقنة الى أخذها - المفروض - هترجع نبضات قلبه.

- ترجعها؟ مش فاهم حاجة يا غانم يا ابني هو فتحي ماله؟!!

- الحاج فتحي مش سامع له نبضات قلب يا عم محسن.. لولا أنه بيتنفس

أدأى كنت قولتلك البقية فى حياتك.

بعدها بكام ساعة فوق ومحسن حكالي الى حصل وأخذني وروحنا نعمل

الفحوصات.. واكتشفنا أن القلب عندي مش شغال!

الى قاعد أدامك وبيكلمك ده قلبه مش شغال يا دكتور!

روحنا لأكثر من دكتور وأكثر من معمل ومركز أشعة وكله وصل لنفس

النتيجة..

كل وظائف جسمي شغاله بدون القلب..

والی یقہر اُن کل دکتور نروحله عاوز یستخدامنی فار نجارب وعاوز یفتح

ویشوف فیہ ایہ..

وأزيدك من الشعر بيت؟

محسن ہو کمان...

- فتحتى قولتلك مليون مرة النقطة دي خط أحمر

وما تتحكيش.. مش كل مرة تخلف الوعد!

- أنا آسف يا صاحبي اندمجت ف الكلام واللہ غصب عنی

.. معلىش يا دكتور هنعدى النقطة دى.

- مش عاوز أكون متطفل بس هو عم محسن ماله؟ وليه اتضايق ومش
عاوزك تتكلم عن الحاجة دي؟
- ماجد.. أنت جاي تسمع وتناقش علي راسنا.. لكن ماتتخطاش النقط
الي بنحطها لك.. مش علشاننا علشان ماتتأذاش بسببنا زي غيرك.
عمك محسن عنده حق.. والي هي قوله ماتناقش فيه.
- آسف يا عم فتحي.. آسف يا عم محسن.. أنا من الذهول بس مش
مستوعب كل ده.
- ماتتأسفش يا دكتور.. (بابتسامة مُريية)
السكوت حل فجأة علي الجميع..
فتحي باصص في الأرض
ومحسن مغمض عينه
وماجد خايف يتكلم زي ما قال له فتحي أنه لما يسكت مايتكلمش خالص،
وأخذها فرصة يحاول يجمع الي اتقال ويستوعب الموقف وعقله يقول له
كفاية لحد كده ويروح سليم
وفضوله مخليه عاوز يكمل للنهاية مهما كلف الأمر...

- بعد ساعة.. الكل ثابت علي حاله..
- كسر الصمت تليفون بيرن..
- أيوه يا أمي (بصوت يكاد يكون مش موجود)
- ماجد؟ أنت فين يا حبيبي اتأخرت ليه؟
- هكلمك بعدين يا أمي (بنفس الصوت)
- حبيبي أنا مش سامعاك.. بتقول إيه؟
- سلام دلوقتي يا ماما (بصوت من ضعفه وخوفه ماخرجش منه أصلاً)
- يلا بينا يا محسن..
- يلا بينا يا فتحي..
- ورانا يا دكتور وما نسمعش صوتك.
- نظرات متعاقبة للاثنتين من ماجد في ذهول من شكلهم الي اتقلب على النقيض..
- هو أنا غلطت لما دخلت في مغامرة مش حاسبها واندفاعي ده هيكون سبب في أذي ليا أو لا قدر الله ممكن يوصل لوالدي؟
- هو أنا غلطت لما فرحت أوي بالموضوع من غير ما أحسب أنا رايح لمين وممكن يعملوا معايا إيه؟

أنا خايف.. وخوفي ده فكرني بالخوف الي قاله عم محسن في آخر جملة في قصته.. أنا عاوز أرجع وأنسى الي حصل.. أنا جبان ومش عاوز أعرف مين هناك.

بجسم مفروود وخطوات كلها ثابت كرياضي في العشرين من عمره، محسن وفتحي فتحوا باب الشقة ووراهم ماجد الي من الخوف مش قادر يسألهم هما رايحين فين..

خرجوا من الشقة واتجهوا لمحل الإلكترونيات بتاع فتحي فتح الباب ودخلوا وقفل وراهم بالمفتاح..

فرد كل الستائر والمكان أصبح عتمة ، اللهم إلا بصيص من شعاع شمس الغروب هربان من الفواصل بين الستائر..

فتح الخزانة وخرج منها جهاز راديو.. وحطه أدمهم علي المكتب..
- فاضل أد إيه يا محسن؟

- ربع ساعة على بداية الإرسال!

- لو عندك أي سؤال يا دكتو تقدر تسأله في الربع ساعة دي..

- أنا بدأت أخاف منكم.. أنا خايف تأذوني..

- مافيش أي أذى هيطولك إلا لو عديت حدودك، علشان كده قولنا لك ماتتكلمش.

- هو هيحصل إيه بعد الربع ساعة؟

- هنختفي.

- يعني إيه هتختفوا؟
 - لأ هنتختفي.. احنا الثلاثة.
 - يعني إيه هنتختفي إحنا الثلاثة؟
 - هتعرف في وقتها.. وماتخافش هترجع زي ما كنت.
 - ماخافش إيه في فيلم الرعب ده، أنا مرعوب!
 - تقدر تهرب حالاً لو حابب.. ماحدش غصبك علي حاجة.
 - أنا فعلاً مش هقدر أكمل.. أنا آسف علي أي إزعاج.. أنا همشي.
 - مع السلامة يا دكتور.. إهرب.
 - فرصة سعيدة يا عم فتحي أنت وعم محسن..
- مد إيده بس كأنه مش موجود.. لا سمع رد ولا شاف حركة.. أخذ بعضه
وطيران علي عربيته.. وفي لمح البصر كان وصل مدخل طنطا..
ركن العربية تحت البيت
ومجرد ما فتح باب الشقة وشاف أمه قاعدة مستنياه جري حضنها وبدأت
في نوبة عياط..
- وحشتيني أوي يا أمي
 - مالك يا ضنايا بتعيط ليه
 - وحشتيني أوي.. أوي
 - يا ابني مانتقطعش قلبي مالك.. أنت ماسيبتنيش غير كام ساعة

- أنا اكتشفت أنني جبان أوي يا أمي
أنا كنت مفكر نفسي عنتر زماي وإني ياما هنا وياما هناك
النهارده أنا اكتشفت أنني أضعف وأجبن من عيل رضيع.
- طيب اهدا بس يا ضنايا هعملك كوباية شاي تروق أعصابك كده
واحكي لي إيه حصل..
ولا أقولك.. هقوم الأول أحضرلك العشاء شكلك مادوقتش الأكل من
الصبح.
- ياريت والله يا أمي أنا حاسس أنني هموت من الجوع

في الوقت الي أمه دخلت توضح له الأكل، فرد رجليه علي الكنبه ودماعه
فجأة بدأت تفكر وتهدا..
بس مالحقش يفكر في حاجة ولا يوصل لحاجة.. عينيه قفلت وراح في
النوم.. أو شكله قال أنه راح في النوم!

ماجد.. إصحي يا ماجد... يا ماجد..
- (في فزع) إيه يا أمي فيه إيه؟!!
- أنا على ما رجعت من المطبخ لاقيتك نايم فقولت أسيبك ترتاح شوية
هتصحي تاكل.. بس طول الليل عمال تزعق وتقول "اهبروا.. اهبروا اهبروا"

طبببت عليك وغطيتك كويس وقولت يمكن من ضغط اليوم والي
 حصل ليك ماعرفهوش خلاك بتهلوس مع أنك أول مرة تعملها..
 بس حالاً لاقيتك بتكرر نفس الكلمة ثلاث مرات بردو بس باللاتيني!!
 أنت تعرف حاجة عن الحروف اللاتينية أصلاً يا ماجد؟
 - والله يا أمي ماعرف غير العربي والإنجليزي وكلمتين ألماني علي أدي كده..
 - بس أنت متأكد من إني قولتها باللاتيني؟ والساعة كام حالاً أصلاً؟
 - عيب يا واد هو أنا ضيعت عمري في مطعم؟ (قالتها بكل ثقة وابتسامة
 غرور تفك بيها الجو وتحاول تشيل الضغط والخوف الي جواها وهي شايقة
 ابنها بيتغير حاله أودام عينيها للأسوء) والساعة دلوقتي 11 الصبح.. نصحي
 بقي ونفوق كده علشان نفطر.
 - 11؟ الشغل ماحدث اتصل؟
 - شغل إيه دلوقتي، أنت مش هتخرج من باب البيت غير لما أفهم كل حاجة
 حصلتلك من ساعة ما رجعت من الشغل امبارح.
 - حاضر يا أمي هحكيلك كل حاجة بس أقوم آخد دش وأغير هدومي دي.
 - قوم خد دش علي ما أجهلك الفطار..

تحت الدش ومع صوت ارتطام قطرات الماء بأرضية الحمام..

اهربوا؟

لا تيني؟

طب الكلمة عقلت معايا من القصة والي حصل..

اللغة؟ ده أنا ماعرفش أي حاجة عن اللغة اللاتينية غير أنها لغة من اللغات المُنقرضة..

هو أنا مش هفوق من الكابوس ده بقى؟

كان مالي بكل ده ما كنت في حالي من شغلي لبيتي ومن بيتي لشغلي وكان مكفيني الكام سؤال الي في دماغي وبرضي رغبتى بكام برنامج وثائقي على كام كتاب وبحث بقراهم..

(صوت خبط علي باب الحمام فزع ماجد ونط من مكانه راسه خبطت في الدش)

- مين؟؟؟؟؟؟

- الفطار جاهز يا ماجد.

- (بزفير راحة ما بعد المعركة) حاضري يا أمي خارج أهو.

- .. تحب نتكلم حالاً ولا بعد ما تاكل براحتك الأول؟

- ياريت يا أمي بعد الفطار.

قعدوا يفطروا.. نص ساعة تقريباً كل واحد مركز في الي بياكله ماحدش نطق بكلمة..

وبعد الفطار بدأت هاجر في الإستفسار.. وماجد في الرد..

- أنت حالياً عندك فضول تعرف ولا عندك خوف من الي شوفته ؟

- مش عارف يا أمي بس دي أول مرة في حياتي يحصل معايا كده، أول مرة أكون في حيرة كده..

- أنا نص عمري تقريباً قضيته في البحث والتنقيب والسفر وشوفت فيها حاجات مافيش كلام يقدر يوصفها.. سواء من جمالها أو من بشاعتها..
مرت بحاجات كتير ووساوس وحقائق..

أول مرة كانت بالنسبة ليا هي دفعة البداية رغم أني كنت لسه ماتجوزتش أبوك وكنت في الدراسة..

خرجنا نعاين مقبرة في وادي الملوك، أول ما قربنا من المكان أصلاً الرعب بدأ يملاني من الي احنا داخلين نشوفه ولا هنقابله جوه المقبرة..

بس علشان أنا كنت رايحة أدرس مش رايحة سياحة وأتصور صورتين وأرجع..

دايماً الخوف من المجهول بيكون أكبر من الخوف من المعلوم يا ماجد..

تعرف أن أبوك الله يرحمه كان دايماً يقول لي أنتِ ملبوسة يا هاجر (قالتها بضحكة رقيقة كضحكة الأطفال) وكان ييفطسني من الضحك وهو بيقولها أصلاً.. بس ده من الي كان بيشوفه مني ومن الي كان بيحصل لي..

الحكاية الي حكيتها لي دي مريت بحاجة قريبة منها لما كنت في المكسيك من كام سنة.. وواحد من السكان الأصليين حكالي أنه كل أول جمعة في الشهر بيطلع في الجبل ويسمع لأصوات بتكلمه وبيكلمها..

وحكايات زيه كتير سمعتها في مصر وبره مصر.. بس الناس هنا مطحونه في شغلها فمش بتشغل دماغها بحاجة تانية.

- بس مش لدرجة واحد يعيش من غير قلبه وراجل في السبعين من عمره عنده صحة ونشاط الشباب..

مش لدرجة أنه يقول لي أنه مات وصحي يا أمي!

أنا نظراتهم وتصرفاتهم والتغير الي حصل فيهم في لحظة مش مفارق خيالي ولا عارف أفسره.. وده الي زارع الخوف جوايا.. دول كانوا هيختفوا يا أمي!!
- علشان دي أول مرة بس يا حبيبي.. لما تتجراً وتواجه وتشيل الخوف من جواك هتبدأ تشوف حاجات تانية كتير مش شايفها من خوفك..

عقلك هيستوعب المواقف صح مش مجرد خايف منها ومتردد.. ومع الوقت هتبدأ تستمتع بالتجربة.. زي ما احنا استمتعنا بيها!

- احنا؟

- طبعاً هو أنت مفكر أن مافيش غير فتحي ومحسن دول الي مروا بحاجات زي دي.. أبوك وأنا وغيرنا حصل معانا حاجات زي دي وأكبر منها كمان بطبيعة شغلنا..

- أبويا؟

- الله يرحمه.. وعلشان تظمن أكثر.. لو لسه حابب تكمل في تجربتك دي هاجي معاك المرة الجاية نزورهم سواء، إيه رأيك؟
- الله.. بجدي يا أمي؟
- طبعاً.. هو أنا عندي كام ماجد.
- ماتحرمش منك يا ست الكل.. خلاص بكرة الصبح ننزل ونروح ليهم ماشي؟
- بكرة إيه يا دكتووور.. شغلك وشغلي يا حبيبي كفاية ضيعنا يوم من شغلنا
- ده حاجة وواجبنا وشغلنا حاجة.. يوم الجمعة ننزل سواء.
- لسه هنستني للجمعة (بقمصة طفل مستني لعبته وناقص يدبذب في الأرض)
- يومين بس يا ماجد.. ماتستعجلش حاجة يا حبيبي.. وأهو تفكر كويس قبل ما تقرر.
- حاضر يا أمي، نستني يومين.

يوم الجمعة .. الساعة 7 صباحاً.. ماجد خبط علي الباب..

- إصحي يا حاجة ورانا سفر.

- أنت مجنون يا ماجد.. لسه بدري يا حبيبي والناس كمان هيكونوا نايمين

- هنزل أشتري هدية طيب علشان أعتذر ليهم بيها عن الطريقة الي

مشيت بيها.

- ماشي.. وصحيني علي الظهر كده نجهز نفسنا ونروح.

نزل ماجد اشتري ليهم جهاز راديو جديد وشوية حلويات وحمص من عند

السيد البدوي ورجع البيت واستعد للسفر هو وأمه..

ركبوا العربية واتحركوا في الطريق للاسكندرية..

وصلوا بيت محسن..

- ده البيت يا أمي.

- متأكد ؟

- أيوه يا حاجة مستغربة ليه؟

- البيت ده أبوك حلم بيه زمان..

وكان مميزه بأنك لو بصيت ليه تحسه مايل مش مستقيم..

شبابيكه السوداء الي كلها مثلثات متداخله..

الباب الحديد الي على كل ضلفة منه رسمة عين وعليها سهم..

- نفس الوصف..
- طيب الحلم كان حاجة حلوة ولا وحشة يا أمي..؟
- ده كان آخر حاجة حلم بيها أبوك.. وآخر كلام دردش معايا بيه قبل ما يعمل الحادثة ويموت.
- بقولك إيه يا أمي.. تعالي نرجع بيتنا.. مش هيفيدنا بحاجة المشوار ده وأدي البداية موت أهو..
- تعالي نرجع أنا مش عاوز أعرف حاجة خلاص والأرض بمن عليها والباقي ده كله ديكور ومنظر جمالي.
- مايقاش قلبك ضعيف يا واد.. هي موة ولا أكثر
- حمد قلبك كده وهات حلوياتك وتعالي نشوف قصتهم إيه هما والبيت بتاعهم ده
- مين؟
- أنا ماجد يا عم محسن..
- جاي أعذرلك أنت وعم فتحي على الموقف الي حصل والطريقة الي مشيت بيها وسيبتكم.. ومعايا والدتي.
- خد والدتك وروح يا دكتور.. قصتنا انتهت معاك لما مشيت.
- طيب افتح الباب واسمعنا.
- مابقاش فيه وقت نسمع.. ترجع بلدكم بالسلامة يا ابني.
- افتح الباب يا محسن..

- مين؟
- أنا هاجر عبدالمجيد.
- هاجر!!
- أيوه يا محسن هاجر..
- مرات الغريب؟؟!
- افتح الباب يا محسن مش وقت استغراب.
- ادخلوا.. بسرعة....
- أنتم تعرفوا بعض؟
- أيوه يا ماجد.. مش قولتلك الموضوع كبير.
- ومين الغريب؟ أبويا؟؟!
- أيوه يا دكتور ده الإسم اللي كنا بننده لأبوك بيه.. علشان ماحدش كان عارف أصله حتي هو نفسه ماكانش فاكر حاجة عن بلده ولا أهله.
- الكلام ده معناه إيه يا أمي؟؟!
- أقعد يا ماجد وهحكيلك الموضوع من أوله.. حبيت أحكيلك كل حاجة واحنا هنا علشان تبقى فاهم كل حاجة وتكمل الي بدأناه من عشرين سنة أنا وأبوك.. وكمل معنا فيه عمك محسن وعمك فتحي..
- ... الموضوع بدأ من أول يوم شوفت والدك فيه.. كنت راكبة عربيتي وراجعة أنا وبنات صديقاتي من بره ووالدك كان قاعد علي الطريق في المعرض

(منطقة في طنطا) ولاحظت أنه أدامه كتب كثير أوي وعمال يقلب فيهم وهو زهقان وبيقطع صفحات..

شدني إني لاحظت في عينه نور طالع منها لونه أخضر.. وكنا المغرب يعني وقت مافيش انعكاس شمس ولا حاجة..

علشان ماعملش دوشة، روح البنات ورجعت ليه..

مالقيتهوش قاعد.. رغم الوقت ماعملش خمس دقائق..

روح وفي حفل التخرج بتاعي لاقيته معانا بيتخرج.. رغم إني ماشوفتوش ف الكلية ولا مرة..

روح له واتكلمت معاه وقولتله

- أنا شوفتك وأنت قاعد في المعرض علي الطريق بره ومعاك كتب كثير..

- أنا عارف إنك شوفتيني يا أستاذة هاجر.. (وابتسم ابتسامة من جماها أنا أبتسمت)..

...روحت يومها البيت وتاني يوم لاقيته جاي بيتقدم لي..

أهلي كانوا معجبين جداً بكلامه وطريقته الي دايماً كانت هادية ومريحة لي بيتكلم معاه..

واتعرفنا علي بعض وكنت كل مرة أسأله فيها عن بلده أو أهله أو أي حاجة كان يقول لي هتعرفي كل حاجة في وقتها..

وبعد الجواز بسنتين بدأت ألاحظ أنه يبسرح كثير وأنا بكلمه ولما يرجع من سرحانه كان بيرد عليا عادي جداً كأنه معايا من أول كلمة..

وكننت بتسغرب.. لحد ما في يوم نده لي..
- هاجر أنا هقول لك على سر جه وقته تعرفيه.. علشان أنا مش هكمل
كثير في الدنيا!
- ربنا يديك الصحة يا قلبي وتعيش وتفرح بماجد وأحفادك..
- اسمعي بس يا هاجر..
أنا كل الي فاكره في حياتي هي آخر 3 سنين بس..
مش فاكر أي حاجة قبلها..
وكل يوم دماغي بتغيب مني وبشوف حاجات كأنها نبؤات وكلها بتحصل..
شوفتك وانتي راكبة العربية رغم أني ما كنتش مركز غير في الكتب وقتها..
شوفت حفل التخرج مع إني مش فاكر إني دخلت الجماعة أصلاً
شوفت خطوبتنا وجوازنا وماجد..
وشوفت نفسي وأنا بموت وازاي هموت..
كل ده مش مهم دلوقتي المهم الكلام الي هقوله ده..
احنا مش عايشين لوحدها في الكون..
وفيه كائنات بره الأرض متابعانا وبتدخل في حياتنا وتصرفاتنا..
ويحاولوا يدمروا الأرض بطرق واضحة وطرق خفية..
الي أعرفه ومتأكد منه أنهم ليهم وسيط هنا.. علي كوكب الأرض..
بيستقبل ويبث ليهم..
بيستقبل إيه ويبث إيه ده مش قادر أعرفه..

الي شوفته جهاز راديو مع اتنين في الإسكندرية واحد اسمه محسن وواحد اسمه فتحي..

الراديو ده هو أداة بيستخدمها الوسيط ده..

ولازم نوصل للراديو ومن بعدها نوصل للوسيط ولازم نوقفه قبل ما يدمر الأرض..

- انت واعي للكلام الي بتقوله يا توفيق؟

- طبعاً يا هاجر زي مابقول لك..

كل كلمة قولتها واعي ليها، أرجوكي صديقي.

- أنا مصدقك يا حبيبي بس مش قادرة أستوعب الكلام ده كله..

.. من بعدها والحياة مرت طبيعية لكam سنة لحد ما في يوم لاقيت أبوك داخل عليا البيت بينهج..

- هاجر.. أنا نازل الإسكندرية حالاً

- خير يا توفيق فيه إيه؟

- وأنا في الشغل سرحت تاني وفخيالي سمعت كلمة " اهربوا " ومن بعدها شوفت الراديو وخيال مشوش للوسيط الي كلمتك عنه..

أنا لازم أنزل الإسكندرية حالاً أشوف نهاية الموضوع ده إيه.. لو الي في دماغي طلع صح النهاية هتكون قربت أوي يا هاجر..

هاجر... خلي بالك من ماجد...!!!!

- أنت بتقول إيه يا توفيق أنا مش هسيبك تنزل ورجلي علي رجلك.

- مافيش وقت لأي كلام حالاً، الموضوع أكبر مني ومنك يا هاجر.
.. خرج من البيت ومارجعتش.. وحصلت الوفاة كان قاعد في العربية عادي خالص والطب الشرعي قال سبب الوفاة توقف مفاجئ لعضلة القلب.
.. وبعدها بكام شهر علي ما فوقت من الصدمة قررت أكمل الي قاله ونزلت هنا لعمك محسن وعمك فتحي علشان أعرف إيه الحكاية..
وحكيت ليهم الي حصل كله.. بس ماحدش فيهم كان لسه وصل الحاجة وانقطعت الاتصالات بيننا وانشغلت بيبك وبشغلي لحد ما حصل الي حصل وقولتي وشوفتك وأنت بتقول نفس كلمة أبوك.. ولما قولتي علي موضوع عمك فتحي وقلبه الي مش شغال ده كان لازم آجي معاك..

- يعني الموضوع كله مربوط ببعضه؟
- مش قولتلك يا ابني الحياة أكبر من مجرد أحلام وأسئلة!
- وإيه الي فكرك بينا يا أستاذة هاجر؟
- خايفة علي ابني يا عم محسن..وفين الحاج فتحي؟
- فتحي ف المحل منتظر أي جديد في الراديو.
- لسه معاكم الراديو؟
- أيوه هيروح فين يعني، احنا هنموت أهو وهو لسه زي ماهو.
- بس الموضوع تطور دلوقتي وبقينا بنسمع حاجات تانية..
- حاجات تانية ازاي؟
- تعالوا معايا نروح لفتحي المحل وانتم تفهموا.

- فتحي.. جبتلك معايا مفاجأة..
- مين!! أستاذة هاجر!! ياميت أهلا وسهلاً..
- أهلا بيك يا عم فتحي.. وحشتوني والله.
- هو انتي تعرفي الدكتور؟
- ده ابني يا عم فتحي.. ماجد يبقى ابني..
- ماجد ابن توفيق؟؟!
- الدنيا صغيرة يا عم فتحي.
- شوفتي احنا العواجيز المكحكين وصلنا لإيه وانتي لأ؟!
- إيه ده؟
- ده يا ستي جهاز تقوية إرسال اخترعته علشان نعرف نسمع كويس الي بيتقال في الراديو..
- الدكتور كان معنا وكنا عاوزينه يسمع الي بيتقال يمكن يساعدنا بس للأسف خذلنا ومشى.
- أنا آسف والله يا عم فتحي بس كنت خايف.. أعذرني.
- ولا يهملك يا دكتور مقدرين ده.
- المهم يا عم فتحي فيه جديد في الموضوع وصلتم لحاجة بخصوص الوسيط أو أي معلومة جديدة؟
- حاجات مش حاجة واحدة..

الوسيط ده يا ستي عبارة عن أداة موجودة هنا علي الأرض في مكان ما
ماقدرتش أحده مهمتها إنها تستقبل إشارات ومحادثات من مكان خارج
الأرض وتبث معلومات بردو من الأرض عن الابتكارات والتطور النووي
والأسلحة الحربية علي الأرض..

و "اهربوا" الي كنا بنسمعها دي كانت جزء من رسالتين واحدة بتقول
"اهربوا من الأرض لأي مكان آخر، سيتم تدمير الكوكب" والثانية الي
محسن سمعها زمان "إنهم قادمون.. بلا رحمة.. اهربوا!!"
وقتها كنا مرعوبين أنا ومحسن من الرسائل..

لحد ما سمعنا من أسبوع رسالة ثالثة بتقول "حافظوا علي الأرض، لن تجدوا
لها بديل" ووقتها خمننا إن الرسائل دي بتقول إن احنا الي هندمر الكوكب
بنفسنا مش حد الي هيدمره من خارج الكوكب..

- بس ده مجرد احتمال يا عم فتحي؟
- أكيد يا أستاذة هاجر.. صدقيني.

محسن حط إيده علي كتف هاجر وهمس في ودنها

- تعالي يا بنتي عاوزك في كلمتين..

- خير يا عم محسن..

- فيه حاجة أنا شاكك فيها.. ومش عارف صح ولا غلط

بس مش هينفع أقولها أدام فتحي وماجد..

- ليه؟! -

- هقولك بعدين.. روحوا دلوقتي وبعد يومين لما الدنيا تهدي تعالي لوحذك وماتعرفيش ماجد.

- حاضر!!

وبعد يومين رجعت هاجر لمحسن البيت..

- مين؟

- أنا هاجر يا عم محسن.

- لوحذك؟

- أيوه.

- أدخلي يا بنتي.. متأكده أن مافيش حد معاكي أو جاي وراكي؟

- متأكدة يا عم محسن ماتقلقنيش!

خير.. أديني جيت زي ما قولتي..

- الكلام الي هقوله ده شك عندي ومش عارف حقيقة ولا لأ وأنت الي هتأكده..

أنا شاكك أن ماجد وفتحي فيهم حاجة غلط..

موضوع إن فتحي عايش وقلبه مش شغال ده ماعداش مني وفضلت متابعه من يومها.. ولاحظت حاجة في ماجد لاحظتها بردو في فتحي..

- أنت بتقول إيه؟ ماجد ابني؟! -

- أيوه ابنك.. ركزي معايا يا هاجر
توفيق زوجك ما ماتش علشان كان بيدور علي الحقيقة..
توفيق كان واحد منهم..
ودوره كان انتهي..
تقرير الطب الشرعي قال إن سبب الوفاة توقف عضلة القلب.. هي
ماكانتش شغاله أصلاً!
فتحي جسمه مافيهوش أي حرارة.. طول الوقت جسمه بارد..
وأكيد عارفه يعني إيه الجسم يكون بارد طول الوقت مهما كان الجو حر
مابينزلش منه نقطة عرق واحدة..
وده الي لاحظته في ماجد من سلامه عليا بردو..
(سكوت بنظرة من الصدمة والذهول)
- مش لاقيه كلام أقوله..
يعني ابني مش ابني؟!
يعني ابني مات؟!
أنت مجنون..
أكيد مجنون..
وأنا غلطت إني جيت أتكلم معاك وأسمع التخاريف دي.
خرجت في حالة من الهلع ورزعت الباب وراها..
وفي الطريق بدأ التفكير يتغلغل في مخها..

لو محسن كلامه صح..
هتصرف ازاي؟
ابني راح فين؟ وامتي ده حصل؟
هواجبه ازاي؟ هقول له إيه؟
هيكون رده إيه؟
هل لو عرفوا إني عرفت هياخدوا مني ابني زي ما خدوا أبوه؟
لازم أتصرف بهدوء.. لحد ما أتأكد من كلام محسن..

- ماجد أنت في البيت؟
- أيوه يا أمي أنا في أوضتي..
أنتِ كنتي فين؟
تعالى شوفي لاقيت إيه في ورق أبويا..
ورقة كاتب فيها "إنهم كثيرون، وأنا منهم!"
فاهمه حاجة منها؟
- لأ مش فاهمه حاجة.. تعالي في الصالون بره عاوزاك.
- مالك يا أمي؟!
- تعالي بس نقعد بره شويه عاوزه أقول لك على حاجة.
- حاضر..
- عاوزة أأخذك وننزل بكرة نعمل فحص كامل ليا وليك يا ماجد.

- فحص ازاي يعني؟
- فحص كامل يا ماجد.. نعمل صورة دم ووظائف جسم!
- ليه يا أمي فيه حاجة؟
- حاسة إني تعبانة ولما روحت للدكتور قال لي إني لازم أعمل فحص كامل وخايفة ليكون الي عندي مرض انتقل ليك مع الولادة.
- سلامتك يا غالية بس تعبانه حاسة بإيه؟
- هقولك لما نعمل الفحوصات بكرة.
- الي شايفاه يا أمي، حاضر.

- (بالفعل ثاني يوم راحوا المستشفى وعملوا فحص كامل للجسم وأشعة على أجهزة الجسم.. وكانت هاجر مفهمه دكتور القلب علي أن مايقولش أي حاجة أدام ماجد، الي طلع قلبه مش شغال!)
- ها يا أمي التحاليل والفحوصات فين علشان أشوفها.
 - لسه مظهرتش، بس الدكاترة قالوا كل حاجة كويسة.
 - بس شكلك بيقول غير كده، والدموع الي في عينيك دي مش بتقول أن كل حاجة كويسة.
 - لأ يا حبيبي هو مافيش حاجة بس دموعي علشان كنت خايفة عليك..
 - يلا نرجع البيت.
 - مش هنروح لعم محسن وعم فتحي ثاني؟

عاوز أشوفهم وصلوا الجديد ولا لأ وأعرفهم الورقة الي والدي كان كاتبها.
- هنروح بس مش دلوقتي..
نركز في شغلنا الي أهملناه ده وأسبوع ولا حاجة ونروح ليهم تاني..
يلا نروح علشان أنا حاسة بالإجهاد وعاوزه أرتاح..
- حاضر.

(تاني يوم الصبح خرجت هاجر بعربيتها ونزلت لمحسن بدون تفكير أو تردد)

- مين؟

- أنا هاجر يا محسن إفتح الباب.

وماحدث معايا ولا ورايا إفتح الباب!

- أدخلي يا هاجر.. حد بيجري وراكي يا بنتي؟
بتنهجي كده ليه؟

طيب ماتتكميش بس أقعدي وهجيبلك حاجة تبلي ريقك بيها.

- مش عاوزة حاجة.. أنا منهارة يا عم محسن كلامك طلع صح يا عم
محسن.. ابني مش ابني.....

(ودخلت في نوبة من البكاء الشديد لدرجة إن آهاتها بدأت تغلق محسن إن
الناس تسمعها)

- اهدي يا بنتي بس وكل حاجة وليها حل..

اهدي علشان نفكر صح ونشوف هنعمل إيه.

- مش قادرة أستوعب أن كل ده حصل وأنا مش واخده بالي..

الدنيا خدتني وانشغلت بشغلي لدرجة أن ابني ماعرفش عايش ولا ميت!

يا ريتني مُت قبل اليوم ده الي أشوف ابني فيه ميت أدامي وبيتحرك عادي
زي الزومي.

- احنا مانعرفش حاجة لسه أكيدة يا هاجر يا بنتي..

احنا لسه بنتحسس الطريق وبنحاول نفهم..
يمكن فتحي وماجد لسه موجودين واحنا الي مش عارفين الحقيقة فين
مش أكثر!

علشان كده بقولك لازم نهدي ونفكر.. مش هنوصل لحاجة وأنت كده!
- ماجد لقي امبارح ورقة في حاجات والده كاتب فيها "إنهم كثيرون وأنا
واحد منهم"

تفتكر دي بتأكد كلامك يا عم محسن؟
- من كلامك عن توفيق والطريقة الي قابليته واتعرفتي عليه بيها بنسبة
كبيرة ممكن يكون ده قصده.. وممكن جداً يكون قاصد الناس الي
احتكت بالموضوع وعاصروه.
- يعني فيه أمل؟

- يا بنتي كل شيء جايز ولكن احنا لازم نفكر بشكل أوسع مش لتوفيق
ولا فتحي ولا حتي ماجد.
احنا لازم نفكر في الصورة الأكبر علشانهم وعلشان كل الناس ما يحصلش
معاهم الي حصل معانا.

- عاوزني أعمل إيه دلوقتي يا عم محسن؟
- أول حاجة عاوزك تجيبي الورق وأي حاجة تخص توفيق..
وماتحسسش ماجد بأي تغيير.. ويستحسن لو تقوليله إنك مسافرة في أي
مكان ..

علشان عارف أنك مش هتقدري تحبي جواكي وهيبان عليكي ووقتها الوضع ممكن يكون خطر عليكي وعليه، كل شيء في هدوء كده وتعالى أقعدي في شقتكم هنا في الإسكندرية لحد ما نشوف آخرها إيه..

وأنا هدور في شوية حاجات تخص فتحي عندي هنا في اليومين الي قعدهم معايا وبردو هحاول أروح شقته أدور فيها علي أي حاجة تفيدينا بشكل مؤقت..

- وعاوزين نروح المحل.. أكيد فيه حاجة هناك هتفيدينا والجهاز الي عمله ده والراديو..

- المحل هيبقى صعب لأن فتحي يعتبر مقيم فيه، بس هنشوفلها حل بردو وندخل..

المهم زي ما قولتلك يا هاجر.. بهدوء ومن غير أي إنفعال.
- هحاول...

رجعت هاجر للبيت وكان ماجد في شغله.. دخلت مكتب توفيق الي مجمعة فيه كل حاجة تخصه في كراتين.. بس المكتب كان مقلوب وتقريراً كل الكراتين اتفتحت ومرميه علي الأرض.. مكانش فيه أدامها غير أنها تدور فيهم يمكن تلاقي حاجة، مع أنها كده عرفت أن الي بتدور عليه حد سبقها ليه.. قعدت تدور لوقت ما رجع ماجد من الشغل..

- ماجد أنت جيت؟

- أيوه يا أمي.

- تعالى كده مكتب والدك.

- أنت الي قلبت المكتب كده؟

- لأ يا أمي أكيد مش أنا.

- آمال مين الي قلب الدنيا كده ورمي كل حاجة علي الأرض؟

- صدقيني يا أمي أنا ماعرفش حاجة.. لازم نبلف البوليس، أكيد فيه حاجات اتسرفت.

- لأ مش لازم بوليس.. الكاميرات موجوده وسجلت كل حاجة.. وهيبان مين كان هنا.

- كاميرات؟ هو أنت حاطة كاميرات في البيت يا أمي؟

- في الأوضة دي بس.. مركباها من سنة، كنت حاسة أن فيه حاجة غلط هتحصل.

- طيب ما ده كويس.. يلا بسرعة نفرغ الكاميرات ونشوف مين الي قلبه جابه يدخل البيت ويعمل كده..
- لأ.. إطلع أنت غير هدومك وخذ دش على ما أشوفها.
- أنت بتقولي إيه يا أمي.. معاملتك معايا متغيرة بقالها كام يوم.. هو أنا زعلتك في حاجة؟
- لأ يا ماجد مازعلتنيش في حاجة بس اسمع الكلام الي بقوله دلوقتي.
- حاضر يا أمي.. هاخذ دش وأنزل.

كانت مركبة كاميرات مراقبة فعلاً في زوايا خفية في الأوضة علشان ماحدش يلاحظ وجودها.

بمجرد ما خرج ماجد من الأوضة بدأت تراجع الكاميرات.. لكن الموضوع كان فيه حاجة مش منطقية..

باب الأوضة اتفتح لكن الي دخل ماكانش ماجد.. ده كان شاب تاني في الثلاثينيات من عمره.. شافته قبل كده لكن مش عارفه فين... بس ملامحه مميزة، لكن مش فاكره مين وشافته فين..

دخل الأوضة وفعلاً قلبها كلها ولكنه واضح أنه مالقاش فيها الي بيدور عليه فخرج.

- ها يا أمي، لاقيتي إيه؟

- للأسف الكاميرات ماسجلتش حاجة، شكلها فيها مشكلة ومش بتسجل.

- طب والعمل إيه دلوقت، أتصل بالبوليس؟
- لأ أنا هتصرف.

في الوقت الي كان ماجد فيه فوق قصت الفيديو على فلاشة وخرجت به ونزلت ركبت عربيتها واتحركت للإسكندرية لمحسن..

- الشخص ده أنا شوفته قبل كده؟
- شوفتيه فين؟

- مش عارفه بس أنا متأكدة إني شوفته!

- بس ماقولتيش أنك مركبة كاميرات مراقبة في الأوضة يعني قبل كده؟
- ماكنتش مركزة فيها أصلاً وماكنتش عارفه أني هحتاجها في يوم من الأيام.

- يعني مش فاكركه الشخص ده خالص؟
- قولتك لأ يا عم محسن!

- طيب كويس...

- كويس؟!!!

- (بصوت متردد) أقصد يعني كويس أنك مركبة الكاميرات دي، المهم لاقيتي حاجة؟

- أنا جبت كل الورق زي ماقولتي، مكانش فيا دماغ أدور من الرَبكة الي حصلت دي.

- طيب سيبيلى الورق وأنا هدور فيه ولو لاقيت حاجة هتصل بيكي.
- طب ما أدور معاك؟ نختصر الوقت والمجهود!
- لأ روجي أنتِ البيت علشان ماجد مايلاحظش غيابك، زي ما قولتلك مش عاوزين حد يلاحظ حاجة.
- (لحظة من الشك والدهشة) حاضر، بس لو وصلت لأي حاجة كلمني يا عم محسن.
- ماتقلقيش.
- ركبت العربية وهي في طريق الرجوع بدأت تفكر في الي حصل.. ضغط الأحداث الكثيرة الي ورا بعضها دي..
- فيه حاجة غلط بتحصل..
- فيه حلقة مفقودة في النص..
- الموضوع محتاج يتعاد التفكير فيه من زوايا تانية..
- توفيق.. فتحي.. ماجد... محسن!!
- فيه حاجة بينهم الأربعة مش مضبوطة.. مش هينفع أفضل ماشية كده الأحداث بتسرقي وتشدي وأنا مش فاهمه حاجة..
- لازم أفكر في هدوء ولوحدي..
- وكويس إني صورت الورق كله!!
- أرجع وأدور فيه من تاني في هدوء لوحدي.

- أمي أنت صاحبة؟
- أيوه يا ماجد.
- مال وشك باين عليه الإرهاق ليه كده؟
- مافيش يا حبيبي الي حصل بس الفترة الي فاتت دي مآثر عليا شوية.
- بقولك يا ماجد..
- أأمريني يا أمي.
- عاوزين ننزل بكرة نروح مستشفى تانية نعمل فحوصات..
- فحوصات تاني يا أمي؟
- بمناسبة الفحوصات هو نتيجة الفحوصات الي عملناها ظهرت؟
- ماهو علشان كده بقولك محتاجين نعمل تاني في مكان تاني.
- هو فيه حاجة ظهرت فيهم؟!
- لأ مافيش حاجة بس حاسة إني تعبانة والفحوصات الي ظهرت بتقول مافيش حاجة.
- طب ما ده حاجة كويسة.. ليه القلق طيب يا غالية؟
- ماجد.. أنا مافيش فيا حيل للمناهة.. عاوزين ننزل نعمل فحوصات جديدة بكرة وخلاص.
- طيب هو أنا ليه أعمل أنا كمان؟ هو فيه حاجة فيا؟
- لأ يا ضنايا مافيش حاجة، بس علشان قلبي يتطمئن.
- حاضر يا أمي الي تشوفيه!

بالفعل ثاني يوم نزلوا مستشفى تانيه.. هاجر سبقته للمستشفى واتفقت مع
المستشفى علي كل شئ وأن ماحدش يوضح حاجة لماجد..
وبعد فحوصات روتينية وPCR وشوية تحاليل..

- خير يا دكتور؟

- ابن حضرتك مافيهوش أي حاجة.. وقلبه سليم مافيهوش أي مشكلة
تقلقي منها حضرتك.

- إزاي؟ احنا عاملين فحوصات والدكتور قال لي أن قلبه مش شغال!
- حضرتك ده كلام غير علمي والدكتور أو الشخص الي قال لحضرتك
الكلام ده شكله مايعرفش حاجة عن الطب.. قلب الدكتور ماجد سليم
ومافيش فيه أي مشكلة وكل وظائفه بيؤديها بكامل كفاءته.
- ريحيني.. ماتعرفش كلامك ده ريحني وريح قلبي ازاي يا دكتور.. متشكرة
جداً لحضرتك.

مجرد ما شافت ماجد جريت عليه وأخذته في حضنها وضمته ضمه طفلها
التايه من سنين

- فيه إيه يا أمي؟

- مافيش يا نور عيني.. يلا بينا ع البيت
فيه كلام كتير أوي عاوزه أقولهولك.. يلا بسرعة..
- طيب وباقي الفحوصات؟!

- فحوصات إيه بس يلا علي البيت بسررعة (وشدته من إيده لدرجة أنه اختل توازنه وكان هيقع منها)

ومع وصولهم البيت كانت حكت ليه الي حصل كله.. وكلام محسن ليها والدكتور الي قال لها أن ابنك قلبه مش شغال.. وسرقة مكتب والده والإتفاق بينها وبين محسن.

- كل ده حصل؟

- أيوه.. ولولا شي في الكلام الي قاله ليا محسن وصده ليا وكأنه أخذ الي عاوزه مني خلاص لما وديت له الورق ما كنتش عارفه إيه كان ممكن يحصل.
- طيب أرجوكي يا أمي بس ارتاحي شوية، باين عليكي التعب وأنا مش هستحمل يحصل ليكي حاجة.. علشان خاطري بس اطلعي ارتاحي شوية.. ولما تصحي نفكر ونشوف هنعمل إيه.

- حاضر يا ضنايا، أنا فعلاً هموت وأناام.

- وأنا هقعد أدور في الورق ده علي ما تصحي وأشوف يمكن فيه حاجة تفيدنا.

- تمام.

وبعد مرور سبع ساعات..

- ها يا ماجد.. لاقيت حاجة مهمة؟

- والله يا أمي فيه حاجات في الورق.. وحاجات فكرت فيها.

- زي؟

- يعني بره الورق أنا فكرت في كلامك الي قولتيه وتصرفات محسن معاي

لاقيت أنه بشكل أو بآخر هو الطرف الشرير في الحكاية..

حكايته عن فتحي وقلبه الي مش شغال ده هو كمان ممكن تكون صح أو

غلط زي ما حصل معايا..

الدكتور الي قال لك عني أول مرة أكيد فيه صله بينه وبين محسن..

رفضه أنه يشركك معاه في الموضوع وكمان كل ما نروحله يقول لنا فتحي

مش موجود ومرة واحدة الي قابلت فيها فتحي في المحل بتاعه كان باين

أوي أنه مشنت وهو بيتكلم وعنده هوس مريب بالراديو..

مانعرفش محسن عمل أو بيعمل إيه معاه هناك..

لكن جوه ورق والدي مالقيتش حاجات واضحة.. بس فيه إشارات وكلمات

مش مفهومة..

يعني فيه ورقة لاقيت مكتوب فيها

"أنا مش فاهم حاجة من الي بيحصل معايا"

"يا تري شكوكي في محلها ولا بظلم ناس بريئة"

"لازم أخلص بسرعة وأرجع"
"الأيام بتفوت وهتكشف كده قبل ما أوصل ليهم"
والمشكلة أن كل الجمل دي في فواصل كبيرة بينهم فاضيه في الورقة..
شاكك إن ممكن يكون فيه حاجة مكتوبة في الفراغات دي.. حاولت
بكشاف الموبايل وباقلم الرصاص أكتشف حاجة مكتوبة مالمقيتش
حاجة.

- جربت بكشاف الأشعة فوق البنفسجية؟
- uv ؟ للدرجة دي؟!
- قوم هات الكشاف بس كده وجرب.
- للأسف بردو مافيش حاجة.
- طيب مش مهم دي حالاً نرجع لها بعدين.. لاقيت حاجة تانية؟
- لأ.. مافيش حاجة تانية تفهم..
- أنا كمان نزلت السمستشي وسألت عن الدكتور الي عمل لي الفحوصات
أول مرة.. مش موجود في المستشي.. وماحدث يعرف عنه حاجة!
- كده يبقى الحل عند محسن وفتحي.
- الحل عند فتحي.. هو الي ماخذناش وقتنا معاه ومحسن دايماً كان
بيتنجب أننا نقعد مع فتحي لوحدها..
- شايف أننا ننزل ليه؟
- يلا بينا.. حالاً.

- وصلوا الإسكندرية.. وراحوا لفتحي المحل..
- (هاجر بصوت خافت) فتحي؟ أنت هنا؟ احنا لاقينا الباب مفتوح
فدخلنا.
- مين؟
- أنا هاجر.. ومعايا ابني ماجد.
- تعالوا
- شوفت محسن أو اتكلمت معاه الكام يوم الي فاتوا؟
- ليه؟
- مش حاسس بحاجة غريبه منه أو فيه؟
- محسن صاحبي مات من سنين يا هاجر..
- الي موجود ده مش صاحبي.. أنا مش بمحاول أبين ليه حاجة لحد ما أوصل
للسبب في الي هو فيه ده والتغيير الغير طبيعي الي شايفه منه.
- يعني أنت ملاحظ التغيير الي هو فيه؟
- طبعاً من سنين.
- خوفي مانعني من إني أواجهه أو أتكلم معاه وأبين له.
- طيب أنت تعرف حاجة عن الراديو الي معاه؟
- حكايات أبويا بس الي أعرفها..

إن الراديو ده مافرطش فيه لحد وأنه طلب مني أنه لو حصل له حاجة أكسره وماسيبش حتة فيه سليمة.. لكن يوم ما والدي مات محسن أخده مني وقال أنه هيكسره وماحصلش ده.. ومن يومها وهو غريب عني.

- ثواني بس.. يعني مش أنت الي هاديتة بيه؟

- لأ هو الي أخده ومن غير حتي ما يستأذني.. وأنا ماجييتش أخسر صاحب عمري علشان حاجة زي دي.. ماكنتش أعرف أنه حاجة ممكن تتسبب في ناس تموت.

- يعني عارف أن الراديو ده مش مجرد راديو عادي؟

- أيوه.. أبويا قبل ما يموت اداني جواب وقال لي مافتحوش غير بعد موته، وكان فيه أن الراديو ده جهاز اتصال بين حد هنا في الأرض ومخلوقات في مكان تاني

- فاكتر إسم الدكتور الي كشف عليك أول مرة لما أغمي عليك؟

- كان إسمه غانم أو غنام.. حاجة زي كده، بس ده ساب البيت من سنين كتير.

- ...غانم... مش بيفكرك بحاجة الإسم ده يا عم فتحي؟

- لأ!

- غانم علي.. افكرته؟

- مين غانم علي ده يا هاجر؟... غانم!!!! نائب المحافظ؟!

- أيوه هو الي كان ساكن معاكم في البيت لما كان لسه موظف في المحليات
- الي اتخانق مع توفيق لما جينا ليكم أول يوم بحجة أنه خبط فيه وهو طالع علي السلم.
- إيه ده.. أنا ازاى ماركزتش ف اسمه لما محسن قال لي أنه كشف عليا؟!
- يعني محسن كان مرتب مع كل الدكاترة الي روحناهم؟
- فاكر يا ماجد لما كنت عندنا وكنت بحكيلك وقولتلك أن محسن هو كمان.. وقاطعني وقال لي ماتكلمش في النقطة دي؟
- أيوه فاكر يا عم فتحي وكان وشه مقلوب وقتها ومتضايق جداً.
- وقتها كنت هقول لك أن عمك محسن هو كمان نفس الوضع، بس ماعرفش ليه ماكنش بيحب أننا نتكلم عنه رغم أنه كام بيتكلم معايا كتير عني!
- يعني محسن كمان قلبه مش شغال؟
- أيوه يا هاجر.. بس كان مشدد عليا أن لو اتكلمت في الموضوع ده هيقطع علاقته بيا.
- كده محسن وغانم بينهم حاجة مش هيحلها غير غانم.. خصوصاً أنه هيخاف علي اسمه وسمعته.. لازم نروحله الوزارة ونتكلم معاه.
- تفتكري هنعرف نوصل ليه؟
- لازم نوصل ليه.. لازم.

- خلاص، أقعدوا اليومين دول في شقتكم هنا لحد ما أشوف حد يقدر يخلينا نقابله.
- تمام، أهو نرتاح شوية وهدور بردو في الشقة يمكن توفيق ساب حاجة في الشقة تفيدنا.. يلا يا ماجد.
- خد بالك علي نفسك يا عم فتحي ولو فيه أي حاجة كلمنا.
- وأنتم كمان يا بنتي.

صباح اليوم التالي.. التليفون بيرن في محل فتحي..

- صباح الخير.

- فتحي ازيك.. أخبارك إيه يا صاحبي؟

- كويس يا محسن.

- مال صوتك؟ حد مزعلك؟ تعبان؟

- لأ كله حاجة تمام.

- صوتك متغير يا صاحبي.. مالك؟

- مافيش حاجة يا محسن، مصدع بس شوية.

- مش بتسأل عني يعني ولا بتيجي البيت.. هو أنا زعلتك في حاجة؟

- لأ مافيش حاجة قولتلك.

- طيب أنا هجيب فطار وأجيلك نفطر سوا..

- لأ ماتجيش.. أنا فطرت خلاص ومش جعان.

- فتحي أسلوبك مش مطمئني..

- سلام يا محسن دلوقت.

بعد ما قفل السكة ، اتصل بهاجر..

- أيوه يا هاجر.

- صباح الخير يا عم فتحي، عامل إيه؟

- أنا كويس وأنتم عاملين إيه؟

- احنا بخير.. فيه جديد؟
- لأ مافيش، بس محسن كلمني دلوقتي ولسه قافل معاه..
- مش عارف أتعامل معاه طبيعي يا هاجر وخايف يشك في حاجة!
- لأ ماتقلقش من النقطة دي أنت بس اتعامل عادي خالص وماتقولش له حاجة لحد ما نوصل لغانم الأول.
- هحاول حاضر، وأنتم من ناحيتكم فيه جديد؟
- لسه والله يا عم فتحي، ماجد من امبارح في مكتب والده ماخرجش منه وبيدور فيه.. لو فيه أي جديد هعرفك علطول.
- تمام.

- ماما..
- أيوه يا ماجد جايه لك.
- ها يا حبيبي، فيه إيه؟
- شوفي الورقة دي كده!
- دي أرقام تليفونات.. بس الي جنبها دي حروف.
- أيوه بصي كده لثالث رقم!
- غ.ع ... غانم علي؟!!!!
- مش عارف.. بس ده الي فكرت فيه أول ما شوفت الأرقام!

- 35 رقم! تفتكر الناس دي كلها معانا في نفس الدائرة دي؟
- مش عارف يا أمي بس إيه اللي يخلي والدي يكتب أساميه حروف إلا لو كان عاوزهم مبهمين ما يعرفهمش غيره؟
- هممم طيب هنكلمه بس نكمل تدوير في الحاجة يمكن نلاقي حاجة تانيه، نخلي الإتصال بيه آخر حاجة نعملها.
- وبعد ساعتين من البحث دول الوصول لنتيجة.. أصبح الإتصال هو الاختيار الوحيد
- هات الرقم يا ماجد، نتصل بيه ونشوف هو فعلاً غانم ولا لأ.
- جرس..
- ألو.
- ألو، مساء الخير.
- أأمري حضرتك، مين معايا؟
- (بقليل من التردد) أستاذ غانم علي معايا؟
- أنت مين وجبتي الرقم ده منين؟
- (مزيد من التردد) معاك هاجر عبدالمجيد.. (وقبل ما تفكر هتقول إيه بعدها كانت السكة اتقفلت في وشها)

- ها يا أمي حصل إيه؟

- قفل السكة أول ما قولت إسمي!

- ماهاش معني تاني !!! أكيد هو!

- هجرب أتصل تاني..

مش بيرد..

- أتصل من معايا طيب؟

- جرب كده..

- بردو مش بيرد.

(بعد وقت مش قليل من الصمت بينهم الإثنين كسر الصمت باب الشقة
بيخبط..)

قام ماجد فتح الباب..

- مساء الخير

- مساء الخير

أستاذة هاجر موجودة؟

- أيوه موجودة، مين حضرتك؟

- قول لها من طرف نائب المحافظ.

- أستاذ غانم؟!!!

- أيوه.. لو سمحت عاوز اتكلم معاها.

- حاضر ثواني .. (أمي.. فيه حد عاوزك)
- أستاذة هاجر.. هستأذنك تيجي معايا، معالي نائب المحافظ طالب حضورك علي وجه السرعة.
- دقيقتين أغير هدومي وهاجي معاك.
- تروحي فين يا أمي؟ مش هسيبك تنزلي.
- ده الي كنا عاوزينه يا ماجد من الأول.. وأهو جالنا لحد عندنا.. ماتخافش عليا!
- خلاص هاجي معاك.. رجلي علي رجلك.
- ماشي.
- (نزلوا من البيت، ركبوا العربية)
- حضرتك ده مش طريق المحافظة!
- الباشا هيقابلكم في مكان تاني.
- فين يعني؟!
- ماتخافيش أستاذة هاجر مش خاطفينكم.. (بابتسامة لا تحمل أي معنى)

(خرجت السيارة لطريق مصر الإسكندرية الصحراوي وفي منتصف الطريق وقفت)

- اتفضلوا انزلوا.

- نزل فين احنا في صحراء!؟

- فيه عربية تانية هتركبوها.

(خرجنا من السيارة ونظرا حولهما.. لا شئ إلا الرمال وطريق مهجور من

الحركة وفجأة ظهرت سيارة أخرى ووقفت أمامهما، فتح الزجاج المُعتم)

- اركبي يا أستاذة هاجر.. وأنت كمان يا ماجد.

(بلا أسئلة ركبا السيارة)

- أنا غانم علي..

- غني عن التعريف أستاذ غانم.

- أكيد بما إنك كلمتيني علي رقمي الشخصي فأنت مش عاوزة تعرفي غانم

نائب المحافظ.. أنت كلمتي غانم المجهول.. الي مش غني عن التعريف!

- بالظبط كده..

- طيب أنا مش هطول عليكم وهختصر في الكلام علشان مافيش أمان

للوقت..

أنا وتوفيق جوزك وغيرنا مجموعة من الرجال والنساء مرينا بتجربة فريدة

من نوعها، وكان فيه بيننا أكواد وشفرات ولقاءات حاولنا علي أد ما نقدر

نخليها في السر.. وكان توفيق جوزك مسمينا (جماعة القلب الميت) كنوع من

الدعابة على التغيير الي حصل في حياتنا.. وبما أنك وصلت لي فأكيد عرفني الي حصل مع محسن وفتحي.. اتأخرني كثير أنت وماجد.. بس المهم أنكم وصلتكم.

- أنت كنت عارف أننا بندور؟

- أنتم متراقبين من المجموعة من يوم وفاة توفيق الله يرحمه.. منها خوف عليكم أن يحصل ليكم حاجة وبردو أمان للمجموعة أن تتصرفوا تصرف غلط يضيع مجهود سنين وفقداننا لناس غاليين علينا.

- مش فاهمة!

- المجموعة بتاعتنا دي فيه عامل مشترك بينا أننا بنقدر نتواصل مع بعض في وقت النوم.. وكلنا مرتبطين بشكل أو بآخر مع حاجة مجهولة من وقت للتاني بتداخل معانا في المنام وتبلغنا بأخطار بتواجهنا علي كوكب الأرض.. منها حاجات احنا اتعاملنا معاها بالفعل وأبطلناها قبل ما تتسبب في دمار لبلاد ومنها حاجات ماقدراش عليها وتسببت في أذي للناس.

- ممكن توضح أكثر؟ يعني أنتم بقيتوا أبطال خارقون يعني؟

- (بضحكة ثقة وتواضع) مش بالظبط كده.. بس احنا من التجارب الي مرينا بيها والتهديدات الي تصدنا ليها بنفتخر بنفسنا.

- أنتم مين؟

- احنا كتير.. ومش في مصر بس.. في كل مكان في العالم.. جهاز الراديو الي مع محسن ده لما بيكون قريب من حد بيأثر عليه وبيخله يوصل ويتعلم

حاجات تاخذ سنين في التعليم في ثواني من غير ما يُدرك ده.. زي ما حصل معاك يا ماجد لما روحت لمحسن!

- إيه ده أنت عرفت منين؟

- مش قولتلك في وقت النوم بنتواصل!! اللغة اللاتينية الي اتكلمت بيها وأنت نايم دي كانت تأثير تعرضك للجهاز.. الموضوع أكبر من مجرد جهاز أو تهديدات.. الموضوع مرتبط بكيانات علي الأرض وبره الأرض..

لأكثر من 30 سنة معانا علماء ورواد فضاء ودكاترة في كل مكان بنحاول نوصل لحل ونوصل لأصل الشر والخير الي بنتعامل معاهم دول.. بدل ما نكون مجرد مستقبلين وبننفذ الي بنشوفه وخلاص.. ولسه بردو الموضوع مجهول بالنسبة لينا وكل ما بنوصل لحاجة نكتشف غموض أكبر.

كل المطلوب منكم دلوقت أنكم تروحوا البيت.. تعيشوا حياتكم الطبيعية.. وأي ورق ومستندات ومتعلقات تخص توفيق احرقوها.. فيه حاجات لو وصلت للإيد الغلط ممكن تكون سبب إبادة للكوكب وكل الناس عليه!

- طب أنا عاوز أعرف حاجات كثير.. وعاوز أكون معاكم أحاول أساعدكم يمكن أقدر أفيدكم.

- دورك لسه ماجاش يا ماجد.. لما يجي دورك صدقني هتلاقي نفسك معانا من غير طلب.. المهم دلوقت تاخذ بالك من نفسك ومن والدتك وتعملوا الي قولتلكم عليه.

هتanzلوا من العربية وتركبوا العربية الي جابتكم هنا.. تروحوا لفتحي
وتفهموه أن محسن مكاشش قاصد يضره.. محسن صاحبه ويحبه زي ماهو..
وتفهموه أنه مايتكلمش عن الموضوع مع حد، لحد ما دوره يجي هو كمان..
لسه ماجاش الوقت الي تسألوا فيه... مين هناك.

(النهاية.. حتي يأتي دورك!)

تمت

إلى أن نلتقاكم
مع الجزء الثاني

رواية
مين هناك
أحمد قاسم



الطبعة الأولى
1444 هـ - 2022 م
دار ديوان العرب للنشر والتوزيع
مصر - بورسعيد

جوال: 00201211132879
00201030502390

E-mail: mohamedhamdy217217@gmail.com

حقوق الطبع والنشر لهذا المصنف محفوظة للمؤلف، ولا يجوز بأي صورة إعادة النشر
الكلي أو الجزئي، أو نسخه أو تصويره أو ترجمته أو الاقتباس منه، أو تحويله رقمياً
وإتاحته عبر شبكة الإنترنت، إلا بإذن كتابي مسبق من المؤلف أو الناشر.